

**Martars ai 3 di Avrîl fieste de Patrie, apontament in Ateneu
CONTRIBÛTS PAL CRESSI CULTURÂL,
LINGUISTIC E SIENTIFIC DAL FRIÛL
Taule taronde cun Honsell, Strassoldo e Antonaz**

In ocasion de fieste de Patrie dal Friûl, che e memoree il 3 di Avrîl dal 1077, il Centri Interdipartimentâl di Ricercje su la culture e la lenghe dal Friûl (Cirf) de Universitât dal Friûl, in colaborazion cu la Provincie di Udin e la Region Friûl Vignesie Julie, al organize la taule taronde “Studiâ pal Friûl”. Apontament **martars ai 3 di Avrîl des 14.30 aes 18.30 inte sale Florio di palaç Florio, in vie Palladio 8 a Udin.**

L'incontri al fasarà il pont su lis strategjiis dal ateneu pal cressi culturâl, linguistic e sientific dal Friûl, sui studis e su lis ricercjis realizadis su la fonde des leçs 482/99 e 15/96 e sul sportel in lenghe furlane de universitât. A fevelaran il retôr Furio Honsell, il president de Provincie di Udin Marzio Strassoldo, e l'assessôr regionâl ae Istruzion e culture, Roberto Antonaz.

Al auditorium Zanon, aes 20.45, al larà in sene, cun jentrade libare, il spetacul “Il Friuli”, di Pier Paolo Pasolini, par cure de Associazion teatrâl Elzeviro, cun Luca Altavilla e Paolo Grimaz.